

Nos matanan:

Ixora



E mata aki ta hopi mirá den e area Caribense y ta floria henter aña. Su nomber latin ta *Ixora macrothyrsa* of *Ixora coccinea*, y tin su origen na Oost-Indié.

Su flornan ta na boshi rondó y cada flor tin 4 petalo. E ta duna e mata un apariencia exotico y colorido.


E color mas comun di e **IXORA** ta corrá, pero e ta bin tambe den geel, blanco y roos. Y ta ser kerí cu lo tin mas diferente color ainda.

E blachinan di e mata mes ta berde scur y ta blink hopi, y esaki ta un bunita contraste pa e flornan corrá.

E **IXORA** ta wordo plantá mas bien como decoracion den un curá di cas, of na rand di e curá. Mayoria biaha e doñonan ta snoei e mata pa dun'e forma y sigui rende.

Si bo corta e flornan y pone nan den vaas, nan lo wanta hopi tambe y ta decora bunita.

Pober tanchi Swinda, e ta asina tolondrá cu el a pone un baki cu yen di fruta, sin ripara cu tin berdura tambe aden. Yud'e separa e berduranan for di e frutanan door di pone nan den bakinan separa...





Chabalito

Number 7 - Año XII

